

**JAVNA USTANOVA  
„DOM ZDRAVLJA“  
TRAVNIK**

Datum: 08.09.2022.

Broj: 05-965/22

Na osnovu člana 20a. Zakona o radu FBiH (Sl. Novine FBiH 26/16, 89/18), člana 3. Uredbe o postupku prijema u radni odnos u javnom sektoru u SBK („Službene novine SBK broj 7/19), člana 36. Statuta Javne ustanove "Dom zdravlja" Travnik i Odluke direktora broj 05- 964/22, raspisuje se i objavljuje sljedeći

**JAVNI OGLAS  
za prijem u radni odnos na neodređeno vrijeme**

**1. SLUŽBA OPĆIH, PRAVNIH, KADROVSKIH I DRUGIH TEHNIČKIH POSLOVA**

**-Radnik na održavanju zgrada i uređaja SSS ----- 1  
(jedan) izvršioc na neodređeno vrijeme, uz probni rad od 3 (tri) mjeseca;**

Opis poslova: Kontroliše i održava u ispravnom stanju vodovodne, kanalizacione, električne, vazdušne i druge instalacije;obavlja popravke na zgradama tj. u objektima, a koje se odnose na krećenje, bojenje, popravku, ugradnju keramike, varenje, vodoinstalaterske poslove i drugo; radi na održavanju okolnog prostora Doma zdravlja;rukuje, kontroliše i održava u ispravnom stanju instalacije centralnog grijanja u glavnoj zgradi i peći na pelet u područnim ambulantom evidentira prijave kvarova na aparatima, uređajima i drugim osnovnim sredstvima; vrši popravku ukoliko je to u mogućnosti, a ukoliko nije, o tome obavještava šefa službe; vodi evidenciju o izvršenim radovima i vrši i druge poslove iz djelatnosti svoje struke; vodi računa o urednosti i higijeni radnog mjesta i ne dozvoljava pristup neovlaštenim osobama i nastanak mogućeg kvara zbog subjektivne greške; u slučaju potrebe (hitnosti, bolovanje) mijenja i pomaže ostalim radnicima u službi; obavlja i druge poslove po nalogu šefa službe, glavne sestre i direktora ustanove za svoj rad odgovara šefu službe, glavnoj sestri i direktoru. Mjesto rada: Travnik, Vezirska 1; radno vrijeme: 7,5 h, jednosmjenski rad.

Pored opštih uslova propisanih zakonom, kandidati treba da ispunjavaju i sljedeće uslove i to:

- SSS III stepen mašinski smjer-vodoinstalater,
- Radno iskustvo 5 godina

Uz prijavu je potrebno priložiti (original ili ovjerene fotokopije):

- Prijavu na oglas (vlastoručno potpisanu)
- Biografiju sa adresom i kontakt telefonom
- Uvjerenje o državljanstvu ne starije od 6 mjeseci
- Izvod iz matične knjige rođenih
- Diploma o završenoj srednjoj stručnoj spremi mašinskog smjera
- Potvrda ili uvjerenje o radnom iskustvu kod poslodavca kod kojeg je kandidat radio sa tačno naznačenim poslovima i radnim zadacima (vodoinstalaterski, keramičarski, molerski, bravarski) koje je kandidat obavljao.

Napomena: Samo će izabrani kandidati biti u obavezi dostaviti ljekarsko uvjerenje.

Oglas se objavljuje u dnevnom listu „Dnevni list“, na web stranici JU „Dom zdravlja Travnik“ i web stranici Službe za zapošljavanje SBK/KSB. Rok za prijavu kandidata na Javni oglas je osam (8) dana od dana njegove posljednje objave.

Kandidati čije prijave budu uredne, potpune i blagovremene biće pozvani da pristupe pismenom testu i intervjuu. O datumu i vremenu održavanja istog kandidati će biti telefonskim putem obaviješteni.

Kontakt lice zaduženo za davanje dodatnih informacija: dipl.iur. Mirha Čolo, tel: 030 509 461

Prijave na oglas sa dokazima o ispunjavanju uslova javnog oglasa, sa obavezno naznačenim brojem telefona i adresom, u zatvorenoj koverti dostaviti na adresu:

**Javna ustanova  
"Dom zdravlja"  
Travnik  
Ul. Vezirska broj 1.**

**Prijava na javni oglas  
Služba općih, pravnih, kadrovskih i drugih tehničkih poslova sa naznakom na koverti  
"NE OTVARATI"**

Neuredne, nepotpune i neblagovremene prijave neće se uzeti u razmatranje.  
JU "Dom zdravlja" Travnik nije u obavezi vraćanja dokumentacije dostavljene u prijavi.

DIREKTOR

Prim.mr.sci. Meštrovac Sakib  
Spec. medicine rada